


Pangen VI. 123. 691; IX. 136. 691.

Imprimatur 1800 1802

Salzburg no. 15949

Georgius Skloß, M.D.
francesi ad Alumnus.



John Carter Groton.

— 3224 — 132

2nd 1st Letter of 1717

2nd 5th in Latin.

Finauf n^o 34.

ALGABE	TOLEETEN	SARDVVEN	MAIER	NAVATRE	RAPELS	GRANATEN
IVRCIEN	<h1>DE INSVLIS NV</h1> <p>PER INVENTIS FERDINANDI CORTESII ad Carolum V. Rom. Imperatorem Narrationes, cum alio quodam Petri Martyris ad Clementem VII. Pon- tificem Maximum consimilis argumenti libello.</p> <p>¶ His accesserunt Epistolæ duæ, de felicissimo apud Indos Euangelij incremento, quas superioribus hisce diebus qui- dam fratres Mino. ab India in Hispaniam transmiserunt.</p> <p>¶ Item Epitome de inuentis nuper Indiæ populis idololatriis ad fidem Christi, atq; adeo ad Ecclesiam Catholicam conuer- tendis, Autore R. P. F. Nicolao Herborn, regularis obser- uantia, ordinis Minorum Generali Commissario Cismontano.</p> <p>¶ Venduntur in pingui Gallina. Anno M. D. XXXII.</p>					TVRCIE
INSVLEN						SIBILIEN
TRANESCEC						GALISSIEN
OCEAVISCHEN						MINORRE
SAOGE						VALENCEN
ALGRECIE						IHERVSALEM
IAHEN						CECILIEN
MICHIE						LEON
CORDVVE						ARRAGON





M. G. Carter Arragon



BEATISSIMO AC

SANCTISSIMO CLEMENTI SEPTIMO SACRO
SANCTAE ROMANAE, AC VNIVERSAE

lis ecclesiae Pontifici Maximo, Petrus Sauorgnanus For-
ro Iulienſis iuris vtriuſq; doctor Reuerenſi. D. Iohan-
nis de Reuelles Episco. Viennensis ſecretarius, de-
uotus ſeruus poſt humillima pedum oſcu-
la beatorum Felicitatem.




ANTIQVI omnes coſinographi, beatiffime pa-
ter, tam graeci, q̄ latini in deſcribenda terrarum
machina a Fortunatis inſulis initium habueret:
hincq; hoc eſt a ſolis occaſu, ad ortum proceſſe-
re Sericam vſq; regionem, & Sinarum populos
gradus longitudinis centum, & octuaginta con-
tinentes. Et ij dimidiam tantum orbis partem
deſcribere bis nonaginta continentem partes,
ſeu vt vocant gradus: reliquam vero orbis me-
dietatem penitus intactam reliquere. Nec quid
extra Herculis columnas praeter Fortunatas in-
ſulas & Heſperidum, contineretur retulerent: niſi quae fabulis potius, q̄ veritati eſ-
ſent conſona. Quamuis Athlantici maris nauigatio eiſdem penitus ignota non
exiſteret, potiffimum Carthagineſibus maiori Aphricae portioni imperatibus
perſcrutata: cum etiam inſulae Aethiopici maris a Plinio deſcribantur. Qui es-
tiam refert Naturalium libro ſexto, ſuo tempore magnam partem meridiani ſi-
nus nauigari vſq; in Arabicum. Hanc quoq; nauigationem Hannonem Car-
thaginenſem ſcriptis prodidiſſe ferunt. Sed & Eudoxus quidam, cum Lathyrū
regem fugeret, arabicum ſinum ingreſſus Gades vſq; prouectus eſt. Verum iſte
nauigationes omnes ad meridianū mare, & quod Aphricam alluit, factae ſunt,
& inuentis additum eſt. Sed duo illa ſua tempeſtate praecleara mundi lumina
Ferdinandus Arragoniae rex, & Helifabeth Caſtellae regina, memoriae indelebi-
lis & immortalis, alias penitus ignotas terras, inſulaſq; vt puta Fernandinam,
Hiſpanam, Sancti Ioannis, & alias innumeras, poſtremoq; oceani continen-
tem, ad quam Petrariam deſtinarunt, ſelici auſpicio adinuenere. Diuini vero,
& inuicti animi Carolus Quintus Romanorum electus Imperator, & Hiſpania-
rum &c. rex, in quo auitae magnanimitatis imago refulget, eorum veſtigijs in-
haerendo non Germaniae, Hiſpaniarum, Belgarum, vtriuſq; Siciliae, Aphricae, &
inſularum omnium, quae mediterraneo mari ad Symplegades vſq; continetur,
A ij imperio

imperio contentus: vltiores, & hactenus penitus ignotas regiones perscrutari iussit, quarum nomina sunt innumera. Sed cum præclara quædam narratio per Ferdinandum Cortesium suæ Sacræ Cæsareæ, & Catho, Maiestatis ad eas nouas inquirendas terras præfectum, eidem Cæsareæ, & Catholicæ Maiestati transmissa, ad manus meas deuenerit Hispano idiomate conscripta, ne tam magnanimi, & inuicti animi virtus, quæ Hannibali, & magno illi Alexandro, considerata militum Hispanorum paucitate, non tantum æquanda, sed etiam merito præponenda esset, incognita existeret, & quasi sub modio lateret. Et quo reliquæ nationes Hispanum idioma non intelligentes, Nouæ maris oceani Hispaniæ noticiam, & cognitionem habeant: præsertim cum in ea tot insignes Vrbes, varij gentium mores, Idolorum suorum cultus, in sacrificandis mortalibus ritus, mirabiles meschitæ, innumerae argenti, & auri fodinae, & alia plurima scitu digna contineantur: in latinum Hispanis clausulis penitus inhærendo viginti dierum spatium transiuli. Quam Beatitudini Vestræ (cum Narratio consideratis Cortesij rebus gestis, & circumspeditione, summo vere sit digna pontificis: & ad eam tanq̃ in spiritualibus Dominam, cum pro maiori parte Christi fidem susceperint, illius cognitio, & noticia pertineat) dedicare constitui. Accipiat igitur Beatitudo Vestra hilari vultu has nostræ translationis primitias, quæ si stilo summo pontifice dignæ non videbuntur, illa mihi clementer indulgere dignabitur. Nam felicitis mei syderis præcepto, quod, vt has transferrem, iniunxit, parere volui, ne minimam clausulam transponerem, aut immutarem: sed Hispanis clausulis penitus inhærerem. Accessit & temporis tam brevis angustia, & tantum Historiæ veritatem hoc libro, non autem eloquij fucum inferere visum est. Christianæ Reipublicæ Deus Optimus Maximus diu Bea. Vestram incolumem seruet. Ex Norimberga, quarto idus Febru. Anno Domini Millesimo quingentesimo vigesimo quarto.

EIVSDEM DOCTORIS PETRI SA
VORGNANI FORO IVLIENSIS
Ad lectorem Carmen.

Hispanæ gentis facta inclyta, Cæsaris & res
Auspicijs gestas, perlege quisquis eris.
At te non moueat, quoties splendentia verba
Defuerint, spectes ardua facta prius,
His etenim scriptis licuit non esse disertos,
Addere plus vetuit, vertere sic voluit.
Sic magno placitum domino, quem numinis instat
Suspiciamus, vel quem carmina nostra canunt,
Temporis & breuitas sic nos celerare coegit,
Forfitan & vulgus sic mea scripta leget.
Ergo præclaris qui gaudes Cæsaris ausis,
Hunc quoque tu votis concelebrato pijs.
Illius auspicijs quæ sunt hæc gesta benignis,
Huius, quæ mundo tam memoranda patent.




ARGVMENTVM

ERDINANDVS Cortesius natione Hispanus Sa. Cæs. & Catholicæ Maiestatis in Iuchatan generalis præfectus, vt magnanimi viri mos est, a ciuitate cempoal quindecim leuis armaturæ equitibus, & peditibus quingentis Hispanis ad Dominum Muteezuma primatem illarum regionum Dominum subigendum proficiscitur. In itinere milites quidam Didaco Velazquez sua dente deficere student, in eos de more animaduertit, iter prosequenti hostiliter obuïi fiunt incolæ e Tascaltecal, quos fundit, vincit, & Vasalios Sacræ Catholicæ Maiestati facit vna cum alia prouintia Guaxacingo nomine,
A in ne,

ne, illis comitantibus ciuitatem Churultecal capit, diripit, imperataque faciunt. Nunciat Dominus Muteezuma, ne ad eius regionem proficiscatur. Cōstituit Cortesius proficisci. Transcendit mōtes asperissimos, niuib. altissimis refertos: ex quibus ingēs fumeus globus ascendit visu mirabile. Hispanis modis varijs obesse studet, & delere Dominus Muteezuma. Tandem annuente Muteezuma ad celebrem Ciuitatē Temixtitā illius regiam proficiscitur in lacu mirabiliter constitutam, visis prius varijs, & egregijs ciuitatibus. Obuius fit Muteezuma omnibus prouinciarum proceribus assistentibus, variā pompa, & ceremonijs introducit Cortesius: quo introducto Dominus Muteezuma se in vasallum subdit Sacre Catholice Maiestatī, & obedientiam exhibet Cortesio, & suae nationis originem refert, bergantinos construendos curat quatuor praefectus Cortesius: quibus, si ciuitas defectioni studeret, littori milites posset exponere. In ciuitate Temixtitā existenti Cortesio nunciatur, Dominum Muteezuma Qualpopoca cum alijs in Hispanos in ciuitate Veræ Crucis relictos, concitasse, Dominum Muteezuma leui carceris gñe mācipat, & Qualpopoca cum coniuratis adduci committit, quem adductum publice comburi iubet. Narratur a Cortesio miranda Domini Muteezuma palatia ad eius habitationes, narrat praeterea varias domos voluptatis causa extructas, in quibus varia animalium volantium, & quadrupedum genera continentur. Narrat Domini Muteezuma obsequium nullo Christiano Principi comparandum, narrat religiosorum mores, & habitum, religionemque, & quibus ex rebus idolorum imagines conspiciunt. Sacrificij modū in pueris, aut alijs maioribus sacrificandis, describit Mescitarum, & religiosarum domuum modum. Conuocat Muteezuma proceres omnes eidem Vasallos, vt Sacre Catholice Maiestatī se subdant iubet, quod exequuntur, & Cortesius auri plurimum, & varia alia emblemata ab eis petit, & obtinet, portum in ea ad naues suscipiendas inuestigat, & inuenit in fluuiio noīe Panuco. Aurifodinas inuestigat, & inuenit plures, & dītes. Domos Sacre Catholice Maiestatī extruendas iubet a Domino Muteezuma, quae mira arte, & celeritate conficiuntur. Narrat aurum, argentum, vestes, vasa, aliasque ex plurimis mira arte contexta munera a Domino Muteezuma Cortesio data, Sacre Catholice Maiestatī transmittenda. Dum ipse Cortesius Sacre Catholice Maiestatī res dirigit, æmulus Didacus Velazquez Pamphilum Naruaez octingentis peditibus, octuaginta equitibus, & tormentis plurimis ad ea loca decem & octo nauibus malo animo destinat, hoc Cortesio nunciato, relicto praesidio Hispanis in celebri ciuitate Temixtitā, trecentis peditibus ei obuiam proficiscitur, vt quid velit cognoscere: Multa hinc inde eueniunt, vt concordia intercedat: quae cum non succederet, magnanimus Cortesius, Naruaez aggreditur, & capit, & eius milites sibi socios reddit. In ciuitate Veræ Crucis existenti Cortesio nunciatur, ab incolis e Culua Hispanos praesidio ciuitatis Temixtitan impositos oppugnari. Praefectos cum Hispanis ad varia loca transmissos magna celeritate conuenire iubet, & nullo repugnante celebrem ciuitatem ingreditur: quem vnacum Hispanis in fortilitio aggreditur innumera Indorum multitudo, pluries fortilia

fortilitio exeunt, domos comburunt, turrim expugnant, multi ex Hispanis interimuntur, & vulnerantur, & ipse Cortesius vulneratur, a suis Dominus Muteezuma fortuito casu interficitur. Pluries Cortesium colloquens decipere student Indi, Vaser Cortesius intrepidus permanet, annonæ, & com meatuum caritate cum premeretur, ciuitate egredi cum socijs & auro constituit: & mira difficultate, & periculo egreditur, amissis Hispanis plurimis, & auro. Illum insequuntur Indi per leucas viginti, & die noctuq; assidue eos oppugnant. Deueniunt ad prouinciam Tascaltecal, benigne excipitur a Dominis illius: vulneribus medicina adhibent, ex Hispanis moriuntur plures, aliqui manci permansere, & ipse præfectus Cortesius sinistra manus digitis duobus mutilis, sanitati pristinae nondum restitutus bellum hostibus e Culua, & foedere iunctis mouere constituit Cortesius: & incolis e Tascaltecal, & Churultecal opem ferentibus castra mouet contra prouinciam Tepeaca, quam viginti dierum spatio potitur, ex ea quosdam, quia humanis vescuntur carnibus, seruituti ascribit, potitur prouincia Guacachula, & alijs quibusdam. Bergantinos duodecim construendos curat, quibus ciuitatibus in lacu constitutis obesse possit, naues duas ad equos, & arma adducenda cum pecunijs ad insulam Hispanam mittit. Vis debis prælia innumera, & belli euentum ancipitem, & tandem Hispana virtus quanta sit, & quo ingenio polleat Cortesius, lector optime cernes.



DE INSVLIS NVPER IN

VENTIS A CAROLO V. ROM. IMPERATO-

re, ad Clementem VII. Pont. Max. lucidissima Petri

Martyris Narratio.



X mearum Decadum libellis in vulgus emissis colligere licet, fugitivos quosdam ad vicina Darieni appullos nostrorum libellos admirantes dixisse, terras se aliquando incoluisse, quorum habitatores instrumentis vterentur eiusmodi ac politice legibus parentes viuerent, atriaq, ac templa lapidibus constructa magnifice, plateas, et stratas vias ordine composito, vbi negotientur, haberent. Eas nunc terras nostri reperere: qui autores fuerint, quomodo res processerit, attente audiat Bea. tua: quandoquidem tuo throno sub

Darienes
flu.

denda pro tempore in lucem prodeant hæc omnia. De insula Cuba (quam Ferdinandam placuit appellare) Hispaniolæ occidentali proxima, Septentrionaliter tamen adeo, vt Cancris tropicus mediam secet Cubam, Hispaniola vero a Tropico distet ad æquatorem gradus aliquot: pauca tetigimus hæcenus. In hac insula sex iam sunt oppida erecta. Primarium a diuo Iacobo Hispaniarum patrono nomen sumit. Natiuum est ibi aux, & montanum, & fluuiiale. Auro suffodiendo inuigilatur. Quo anno libelli mei portas clausurunt, tres Hispani ex antiquioribus Cubæ ciuibus, Franciscus Fernandus Corduben. Lupus Ochua Caicedus, & Christophorus Morantes nouas quærere terras instituunt. Est inquietus, & semper magna moliens Hispanorum animus. Tria instruunt eius generis nauigia, quæ appellant Hispani carauellas, proprijs impensis, habita a gubernatore Didaco Velázquez nauigandi potestate. Ex angulo Cubæ occidentali, qui sancti Antonij nomen adeptus est, altum capiunt cum centū & decem viris. Est hic angulus ad reficiendas naves, & aquationi, & lignationi aptissimus. Cælo tm̄ & aqua contenti sex adnauigant inter zephyr, & Austrum dies ac dimidium, quo tempore sex tantum, & sexaginta se leucas percurrere arbitrantur. Stabant autem in ancoris vbicumq, sol cadens illos deprehendebat, ne per ignotum pelagus errantes scopulis illiderentur, & arenosis vadis impliciti mergerentur. In insulam incidunt ingentem, nomine lucatan. Cuius initium accollæ Eccampi vocant, oppidum in littore situm adeunt magnum adeo, vt Cairum illud nostri dixerint. Hospitaliter ab accolis nostri suscipiuntur, ingressi summa repleti sunt admiratione, turratas domos, templa magnifica, vias ordine stratas, ac plateas, & nundinaria, vbi commertia, aguntur reperiūt. Lapideæ sunt domus, aut ex lateribus & calce, arte & industria confectæ. Ad prima domorum impluua, aut primas habitationes per decem, aut duodecim gradus ascenditur. Non tegulis tamen, sed culmis, aut herbarum fruticibus coopertæ sunt. Mutuis se muneribus afficiunt. Bullas aureas ex auro fabrefactas munilia perpulchre formata barbari nostris, nostri autem illis sericeas, ac laneas vestes, vitreos etiā calculos, & aurichalcea tinnabula munera illis grata, quia peregrina, sunt impartiti. Specula floccifaciebant nostra, quia illi lucidiora ex quibusdam lapidibus assequuntur. Vestita est hæc gens non lana, quia pecudes non habent, sed gonsapio mille modis, & varijs fucato coloribus. Feminae a cingulo ad talum induūtur. Velaminibusq, diuersis, caput, & pectora tegunt, & pudice cauent, ne pes, aut crus illis visatur. Templa frequentant, ad quæ primarij vias ex proprijs domibus lapidibus sternunt. Idolorum culturæ indulgent, sunt recutiti, legibus viuunt, summa fide commercantur permutando sine pecunijs. Crines ornant. Vnde id habuerint interrogati, per interpretes dicunt aliqui, transisse

In Cuba
oppida ex
citata.

Lucatana
insula.

Aa

aliquando

aliquando virum quendam formosissimum p̄ eos tractus, qui eis id insigne in sui memoriam reliquerit. Alij, ob̄isse lucidorem sole hominem quendam in eo opificio. Certi nihil hebetur. Aliquot ibi dies commorati iam videbantur incolis esse molesti. Nullius enim hospitis est grata mora longa. Commeatū capiunt, recta tendū ad occidentem, per prouincias Comij, & Maia dictas ab accolis, praterlapsi sunt aquam tantum, & ligna ex itinere capientes. Barbari littorales nostras admirabantur naues mari natantes, ad quas visendas certatim, & fœminæ permixtę viris cum infantibus passim prodibant, nostri ex mari non sine stupore illorum ædificia, sed præcipue templa littoribus proxima in modum arcium erecta, prospectabant. Iacere tandem ancoras placuit ad leucas centum decem in prouincia, cui nomen Campechium, cuius oppidum est domorum trium milium. Amice se inuicem amplectuntur. Nauticam nostrorum artem, nauigiorum magnitudinem, vela, emplusra, resq; cæteras barbari attoniti admirabantur. Vbi excussorum tormentorum tonitrua, fumosumq; ac sulfureum odorēq; ignitum senserunt, a deo mitti fulmina arbitrabantur. In atrio nostros regulus benigne magnificeq; hospitatus est. Post sumptas more illorum epulas (in quibus pauones habent, & altilia, volucres, etiam montanas, & nemorales ac aquatiles, perdices, coturnices, turtures, annates, & anseres, cuniculos, vltra hæc lupos, leones, tigres, vulpes, & quadrupedes agrestes, vt apros, ceruos, & lepores) ducti sunt nostri cum regio comitatu ad latum compitum in oppidi latere sitū. Ostendunt nostris quadratū quatuor graduū erectū marmoreū ptim ex tenacibitumine, partim ex lapillis pulpitum, cui hominis inhærebat simulacrum super sculptum, adhærentibus illi duobus quadrupedibus ignotis, qui marmorei hominis veterum vti canes rabidi videbantur velle dilacerare. Serpens bitumine ac lapillis compacta pedum longa septem & quadraginta, vt ibos magnus, marmoreum leonem vorans, recenti cruore irrorata simulacro astabat. Proximi erant solo affixi tres tigni, quos tres alij lapidibus suffulti transuersabant. In eo loco reos puniunt, in cuius rei argumentum stratas viderunt innumeras cruore illitas, & contractas sagittas, & mortuorum ossa in vicinam cortem proiecta. Domus & hic sunt ex calce, & lapidibus ædificatæ. Regulo Lazari nomen indiderunt, quia Lazari die terram captarunt. Abeunt ad leucas inde ad occidentem semper quindecim, prouinciam captant nomine Aquanil cuius oppidum dicitur Mosco. Regulus Capoton vltima acuta. Hostiliter inspectat nostros hic regulus, insidias nostris struit, petentibus aquam trans collem proximum fontes esse innuūt, qua iter est per angustas semitas. Ex mutatis in fronte coloribus, & arcuum, & telorum gestamine fraudem sentire, tendere vltius nostri recusant, palantes imparatosq; adoriuntur nostros Barbari, mille amplius sternunt nostros fugientes, cœnoso in littore (erat enī ibi cœnosum mare) implicantur, duos & viginti sagittis transuerberatos perimunt, reliquos maiori ex parte vulnerant. Tribus & triginta inquit classis ipsum prætorem Franciscum Ferdinandum fuisse vulneribus percussū, fere nullus euasit incolumis. Si ad monstratos colles processissent, perempti fuissent ad vnum. Mœsti ergo redeunt qui supersunt ad Fernandinam insulam, vnde venerant, ac cum fletu & gemitib. ob relictos & præsentis vulneratos a socijs recipiuntur. His intellectis Cubæ Fernandinæq; gubernator Didacus Velazquez quatuor carauellarū classē instruit cum hominibus circiter trecentis. Huic classiculæ præfecit nepotem suum Iohannem Grisaluam, additis supprætoribus Alphonso Auila, Francisco Montegio, & commendatario Petro Aluarado. Nauclero autem eodem Anthonio alaminio prioris Classiculæ rectore. Idem iter capiunt, sed aliquanto australius ad leucas forte septuaginta, turrim ex alto vident eminentē, terrā minime. Turri duce insulam p̄hendunt nomine Cozumellā, a qua suaues se odores olfecisse spacio trium leucarū vêtō inde proflante inquit. Ambitu reperiūt esse leucarū q̄nq; ac. xl. plana est gleba fortunatissi-

INSVLIS NVPER INVENTIS

tunatissima. Aurum habet, sed peregrinum, aliunde allatum, melle abundat, & fru-
 ctibus hortensibus, volucris, & quadrupedibus. Est horum incolarum, vt breui-
 bus absoluam, œconomia, & politia, quæ de Iucatana. Domus, templa, viæ, com-
 munitia, virorum ac scæmiarum gestamina ex consilio, non laneo vel serico. Domus
 lapideæ culmo contectæ, vbi lapidū pænuria. Sed vbi sit lapicidinarū copia, laminis
 lapideis conteguntur. Marmoreos postes in plerisque, veluti apud nos pleræque do-
 mus habent, turres ibi vetustas, dirutarum & vestigia antiquitatem redolentia re-
 pererunt. Vna præ cæteris graduum octodecim, vti ad illustria templa conscendi-
 tur. Nostras sunt admirati naues, & nauticam artem. Noluerunt hospites primo im-
 petu, benigne postmodum eos admiserunt. Turrim conscendunt, duce primario,
 quem sacerdotem credunt. Vexillum in cacumine sistunt. Regi Castellæ imperium
 adiudicant. Sanctæ Crucis nomen insulæ assignant, quia nostri Marij quinta Sanctæ
 Crucis solemni sunt insulam ingressi. Cozumellam vero inquirunt appellari, a regu-
 lo Cozumellao, cuius maiores primos ipse iactat fuisse huius insulæ habitatores.
 Cameras in turri reperiunt, statuas tum marmoreas, tum fictiles, vrsorumque simula-
 cra instructa. Quæ vnisono elato cantu innocant, suffumigij, ac suauibus adolent
 odoribus, vti penates deos colūt. Res ibi diuina celebrata est. Sunt recutiti. Regu-
 lus hic eleganter ex consilio velamine indutus pedis vnus digitos abscissos habe-
 bat, natanti vorax piscis, qui tuberon dicitur, vno morsu digitos raptauerat. Laute,
 copioseque nostros depastus est. Post triduum abeunt, recta tendunt ad occidentem,
 vident a longe montes. Iucatana erat Insula, quam Cozumella quinq; tantum leuca-
 rum spatio dirimit. Iucatanae latus capiūt, in putato continenti circumeūt illam, sed
 nequeunt vniuersam ab frequentes scopulos, & arenosa vada. Ad iam notum Bore-
 ale latus Alanimus naucler⁹ naues reducit, ad idem oppidum habitatores inuitasse
 pœnituit. Ad lapidis iactum ab oppido, nostros sistere iubent accolæ. Abire impe-
 rant. Aquandi petunt copiam priusquam discedant. Puteum a tergo relictum mon-
 strant, licere inde aquam haurire, aliunde minime inquirūt. Pernoctatum est in vici-
 no putei campo. Diffidunt, barbarorum armatorum milia tria circiter castra locant
 non longe a nostris, pars vtraque noctem duxit insomnem. Illi nostrorum eruptionē
 in pagum, nostri barbarorum impetum repentinum veriti tubarum clangoribus, &
 tympanorum rebeatu somnolentos excitabat. Vbi illuxit, accedunt barbari, appel-
 lant interpretes cubenses nostros quorū idioma, si non idem, affine tamen, face thu-
 rea inter vtrumque agmen accensa, minantur interemptionem, ni prius abire propē-
 rauerint, quam fax extinguatur, nolle hospites protestantur. Fax consumitur, deue-
 nitur ad manus, perimunt e nostris vnum, quem sagitta male scutatū reperit. Mul-
 ti feruntur, ad tormenia, quæ apud puteum erant locata, se reducunt nostri, vt inde
 globos iaculentur in hostes, retrocedunt ad oppidum Barbari. Milites feruenti ani-
 mo cupiebant illos persequi, vetuit Grifalua prætor. Inde procedunt ad Iucatanae
 calcem vltimum, ducentarum reperiunt esse leucarum amplius productam, ab ori-
 ente in occidentem. Portum petunt egregium, cui nomen dedere Portus desidera-
 tus, ad terras deinde transfretant alias. Et terram præhendunt aliam Iucatanae vici-
 nam ab occidente. Dubitatur, sit insula nec ne. Continenti esse connexam suspican-
 tur, est ibi sinus, quem arbitrantur ambitum vtraque terræ. Nil certi. Colluacan, alias
 Olloan, hæc tellus ab accolis appellatur. Flumen ingens ibi repertum, dat suo furo-
 re in pelagus potabiles aquas, spatio leucarum duarum. A prætore Grifaluam appel-
 larunt. Admirati nostras moles, mari natantes barbari. Accolæ vtramque fluminis ri-
 pam, ad sex milia armatorum, scutis aureis, arcub⁹, & sagittis, ensibus latis, & hastis
 adustis armati obsident prohibitori descensum, & littus tutaturi. Stat ea nocte, pars
 vtraque in alis. Prima luce, ecce canoas circiter centum armatis plenas (diximus alias
 canoas esse lembos vniligneos) & hic sese Cubenses interpretes, & hi sat commode
 conueniebant in lingua, Pax oblata per interpretes, admittitur. Accedit vna canoa,

reliquæ sistunt. Canoæ rector, quid nostri quærissent per alienas terras, percunctatur. Aurum cupere respondetur, permutatione tamen, non gratuito, aut violenter. Redit Canoæ, quid actum sit, regulò referunt nautæ, accersitus venit libens (o narratu dignum pater sancte) Cubicularium ad se vocat regulus, cubicularia ad se iubet afferri ornamenta, ut prætorem ipsum Grisalua ornaret, imperat. A calceo incipit illum auro induere, ocreas, toracem, & quicquid armorum ex ferro, aut calyce, solet cataphractus nostras proditurus ad pugnam sibi sumere, vniuersum id ex auro miris modis formato, regulus Grisalua impartitur. Compensat Grisalua sericeis, laneis, ac lineis vestibus, rebusq; alijs nostratibus. In huius lucatanæ initio, quando in Cozumellam traiecerunt in canoam piscatoriam inciderunt, nouem inerant hamis aureis piscantes. Accolæ inermes, capiunt omnes nil timenres. Ex illis vnum agnouit hic regulus, se tantundem auri missurum in crastinum pollicetur ad Grisalua, quâti ponderis vir ille reperiretur. Negauit redemptionem socijs inuitis prætor, illum detinuit, ac discessit, quid ultra iaceat recogniturus. Ad leucas centum circiter Zephyrum semper sinum ingentem reperiunt, in quo tres insulæ paræ sitæ erant: adeunt grandiore (Proh crudele facinus pater sancte, proh truculentas hominum mentes. Stomacho claudat portas Beatitudo tuæ ne perturbetur) pueros puellasq; suis dijs immolant passim. Sunt recutiti. Simulachra, quæ colunt sunt marmorea, quædam alia fictilia, marmoreas inter imagines, extat leo pertusa ceruice, in quam miserorum sanguinem proijciunt ut inde fluat in lacunam marmoream. Quæ ceremonia miserorum sanguinem litent, referamus. Non iugulis sed peñtoribus apertis ex infauista victima cor eruunt. Ex cuius calido cruore idolorum labia illiniunt, reliquum fluere patiuntur in lacunam. Inde apertum cor, & exta comburunt, gratum illi dijs fumum fore arbitrantur. Ex idolis vnum est virile, quod inflexo capite, lacunam sanguinariam superinspiciat, tanquam acceptans sacrificium hostiarum. Torulos brachiorum, & fœmorum, ac surarum pulpas edunt, si præcipue hostem bello victum sacrificauerint. Riuum concreti sanguinis, veluti ex carnificina exeuntem repperunt, ex insulis vicinis ad id facinoris miseros transportant. Capita, cadaueraq; truncata ibi videntur innumera, integra etiam, pleraq; velaminibus contecta, vniuersi tractus illi auro gemmisq; abundant. Pererrans insulam, vnus e nostris in duos semifossos vrceolos alabastrinos pulchre laboratos, lapillis diuersorum colorum plenos, incidit. Aiunt lapillum se reperisse, qui missus est ad gubernatorem. valoris duorum millium Castellanorum auri. Sacrificij hanc insulam appellant. Extant & in huius Colluacanæ lateribus aliæ sitæ insulæ, in quibus solæ mulieres inhabitant, sine virorum commercio. Putant aliqui Amazonico viuere more, qui prudentius rem ponderant, cœnobitas esse virgines secessu gaudentes, uti apud nos, & multis in locis virgines vestales, aut Bonæ deæ sacræ. Certis anni temporibus trañciunt viri ad eas, non coitus causa, sed moti pietate, campos, & hortos illis composituri, quo cultu queant vitam ducere. Famatamen viget, esse alias insulas fœminarum sedes sed corruptarum. Quæ mamillam a teneris vrunt, q̄ facilius queant sagittariam artem exercere, ad easq; trañcere causa coitus viros, fabulam puto. Ad littus ergo Colluacanæ terræ se applicant nostri placide, negotiantur. Aureum regulus cacabum, armillas, torques, bullas, multaq; præterea diuersorum generum monilia, nostris est impartitus. Nostri e contra, nostratibus illum alacrem reddunt. Figere hic pedem, & coloniam deducere cupiebant, prohibuit Grisalua prætor. De speratis animis vixerunt eo tempore commilitones in prætorem. Turritis constat ædificijs hæc prouincia, oppidis amplissimis egregia quindecim, & alicubi viginti milium domorum se aliqua vidisse attestantur. Sunt non vbiq; connexæ domus, hortis, & corticibus intersecantibus, multum distantes a se ipsis. Plateas habent mœnibus circumseptas. In quibus fora, & nundinas exercent, vias stratas, furnos, fornacesq; ac lateres coctos habent. Figulos lignariosq; fabros, & artifices, mechanicarumq; artium

DE INSVLIS NVPER INVENTIS

artium omnium opifices assequuntur egregios. Rothauchanus hic regulus dicitur, regia palmaria, eius oppidum regni domorum aiunt esse quindecim millium. Quando novos hospites suscipiunt, qui pacem in illis terris admittunt, in amicitiae fœdus sibi ipsis cum nouacula, vel lapide, sanguinis parumper ex lingua, uel manu, aut lacerto, aut alia quauis corporis parte eruunt, inspectante hospite. Sacerdotes uiunt coelibes, & incorrupti. Quid sit coire nemo intelligit, donec nubat. Nephas, & morte piandum est, aliter accidere. In fœminis mira castitas. Licet unicuique potenti postquam vnâ duxerit vxorem, pellices habere quotquot voluerit. Sed nupta adulterio compræhensa, venditur a marito, primario tamē principi, a quo licet mulieris propi quis illam redimere. Nemini non coniugato, phas est se coniugato iungere in mensa, uel eadem lance uesci aut poculo bibere, paremque se coniugato præbere. Augusto Septembrique mense quinq; ac triginta dies abstinent, non a carnibus modo, quas assequuntur optimas, sed neque piscibus uescuntur, aut re aliqua, quæ sanguinem nutriat. Hortensibus, ac leguminibus illas dies peragunt. Menses viginti dierum numero claudunt. Annum vero Mensibus viginti. Aliquot ibi dies lautos egere.

¶ Abeunt littus idem sequuti, regulum conueniunt alium, cui nomen dederunt Ouandus, regulus ubi nostros cupere aurum intellexit, laminas conflatas attulit aureas, se copiam eius metalli desiderare significat prætor per interpretes. Postero die aureum hominis simulacrum, flabellumque, & auream artificio vario laruam, iubet afferri, calculosque,serta pectoraliumque etiam bullarum copiam, diuersorum generum ornamenta variorumque colorum lapillos nostris est impartitus. Dapibus quoque lautissimis, psapide conditis, saturantur. In littore inuitatos properanti cursu ex frondentibus ramis, reguli mādato erectis ilico scenis contegebat. Inertes in ramis ferendis familiares regulus percutiebat sceptrō, quod manu gestabant. Serui demisso vultu quicunque verba regulus ipsis inferebat patiēter sustinebāt. Interrogatus rex, ubi nā auri tanti colligeretur copia, proximos digito monstrauit montes, & flumina, ab illis decurrētia. Sunt in fluminibus. ac lacubus adeo assueti, vt idem sit illis natāre, ac terra incedere. Merguntur fluminibus, quando aurum placet colligere, manusque arena efferunt plenas, de manu in manum, demum harenam cribrantes, aurum deligunt. Spatio duarum horarum dicunt auro imple re catulam digitalem. De suffumigijs, & odoribus harum terrarum dulcia molliaque dici queunt, quæ prætermittimus, quia magis ad effecminandos animos faciunt, quam ad bonos mores. Cum ita comparatum sit nescio qua naturæ nostræ malitia, vt ad exterorum imitanda vitia, quam virtutes eorum amplectendas plerumque omnes simus procliuiiores. Puerum annorum duodecim oblatum a regulo recusauit Prætor, puellam admisit pulchre ornatam, socijs inuitis puerum abiecit. Vnum ex lapillis ab regulo habitis, scribunt esse valoris duorum milium Castellanorum auri. Discedūt tandem ab hoc regulo, auro & gemmis onusti. Grisalua vnā e carauellis ad patrium gubernatorem destinat ad Ferdinandinam, cum nuncijs & habitis auro & gemmis. Littus interea sequuntur reliqui occidentem versus. Vna vero proximum littus abrauebat, qua Franciscus Montegius subprætor vehebatur, duæ per altum tendebant in prospectu. Admirati accolæ rem nouam miraculo ascribunt. Tredecim ad Montegium veniunt canoæ, per interpretes colloquuntur. Benigne se inuicem salutant, supplices orant accolæ, vt descendant, magna pollicētur, si regulum patriæ adierint, precibus eorum negat Montegius se posse annuere, quod socij nimis a se distarent, contentos dimisit tamen datis quibusdam nostratibus muneribus, illis gratis quia ignota sunt. Celebre oppidum aliud adeunt, ad littus se applicant vna tres carauellæ, prohibentur ab accolis descendere, scutis, arcubus plenis pharetris & ligneis, latis ensibus, atque hastis adustis, armati ad nostros prodeunt. Sagittas iaculantur a longe, illi

tormentorū in globulos nostri. Machinarum strepitum admirati, ac furore perterriti, aufugiunt, pacem optant. Iam commeatus nostris deficiebant, iam quassatæ longis itineribus naues erant, ad insulam igitur Fernandinam, factis, & repertis supra dictis contentus, socij haud quaquam reuertuntur. Nunc diuertendum est parumper, alia nauigatio pertractanda. Dehinc ad alias regrediemur terras, quas nostri reppererunt. Didacus idem Velazquez gubernator, eodem fere tempe, quo classem quatuor carauellarum parauerat, aliam destinauit, vnus tantum carauellæ, vno bergantino comite, cum viris quinque & quadraginta, violentas hi manus in incolas exercuerunt. Idolorum sectatores, & recutiti sunt, propterea licere illos trahere ad aurum suffodiendum, arbitrati sunt. Littori putati continentis proximæ parvæ insulæ multæ vbertate soli, & fortunatissima gleba beatæ. Guauaxam, Guangam, Gintillam, ex vna istarum rapiunt vtriusque sexus trecentum accolas. Huic insulæ imposuerunt nomen: Sanctæ Mariæ. In carauellam hos inculcant, & ad Fernandinam tendunt. Bergantinum cum socijs quinque ac viginti relinquunt, qui dent operam hominum venationi vltiori. Portus quem præhendit carauella, portus Caranatide. Distat is ab oppido insulæ primæ diui Iacobi, leucis ducentis quinquaginta. Est longissima hæc insula, ab oriente protenta ad occidentem, quam Cancrī tropicus intersecat. Miserorum vindictam quærente fortuna, e custodibus in terram descendunt quidam, pauci remanent. Nacti occasionem recuperandæ libertatis insulares, raptatis nostrorum telis ruunt in custodes, perierunt sex, reliqui in mare desiliunt. Carauella potiuntur insulares, regere illam didicerāt, redeunt in patriam, sed non primo in eandem insulam, in vicinam descendunt. Carauellam exurunt, tela secum asportant. Lembis trañciunt ad suos, relictos nostros cum bergantino adoriuntur, prosterunt, perimunt partem, qui euasere infelices ad bergantinum profugiunt, arbore est ingens littori proxima, crucem in eius arboris cacumine locant, & superiorem arboris corticem his verbis inscribunt: Vannius Aldarien. Est darien fluiuius, in cuius ripa situm est oppidum putati continentis primarium. Re intellecta gubernator in reliquorum auxilium duas propere mittit naues bellatoribus onustas. Sero sapiunt, res acta erat, crucem secuti littus adeunt, literas legunt arbori inscriptas, non ausi sunt fortunam tentare cum desperatis, qui aufugerāt, armatis præcipue egregie, recedunt: ex insula proxima isti tanquam lepores abducunt vtriusque sexus quingentos eadem causa arbitratu posse iure merito id efficere, quia recutiti, idem his euenit ad Fernandinam applicatis, vnanimes duabʹ nauibus ferociter aggrediuntur, acriter dimicando. Custodes Hispanos perimunt quosdam, cæteri sese in mare proñciunt ad sociam, quæ proxima erat carauellam, raptatam adoriuntur. Dubia fuit quatuor horarum spatio victoria, pro libertate recuperanda tam sceminæ quam viri rabide Barbari repugnabant, ne adeptam amitterent prædam. Hispani acrius dimicabant, vicerunt Hispani tandem, qui pertractandis armis essent agiliores, in mare se proñciunt victi Barbari, cum lintribus recolliguntur, tum ferro pempti in certamine, tum aquis suffocati circiter centum defuere, ex Hispanis pauci, ad diui Iacobi oppidum, & aurifodinas trahuntur. Ad aliam dehinc tendunt e vicinis insulis, quæ sunt ibi frequentiores quam in nostro Ionio symplegades, quarum congeriem vulgus archipelagus appellat, hostiliter suscipiuntur, quotquot e nauibus descenderunt perempti, aut percussi sunt. Putant esse insulam quam Ioannes quidam Pontius vnus classiculæ prætor adiuit, & reliquit perturbatus fugatusque ab accolis, floridam appellauerat quia resurrectionis profesto reppererunt hanc insulam. Vocat Hispanus pasqua floridum resurrectionis diem. Sex & viginti inquit se vidisse insulas, sed a Colono præterlapsas tanquam Hispaniolæ Cubæque filiolas, & putati continentis custodes, in quibus venientes Oceani fluctus illidantur. Natiuum in plerisque granatum aurum reppererunt, monilia & isti varia gestant, & laruis vtuntur tum ligneis deauratis, tum aureis ppulchre ornatis, opifices sunt ibi argutissimi. Ex laruis vnā se-

cum at-

INSVLIS NVPER INVENTIS

cum attulit Franciscus Chieregattus, tuæ Beatitudinis ad nostrum Cæsarem in Hispania nuncius. Ex ea colligere licet quali erant ingenio. Nouacularum structuram mirum est videre, ex lapidibus flauis quibusdam diaphonis vti cristallinis eas formant. Cum eis radunt haud secus ac si ex egregio chalibefactæ essent, sed qd spe ctatu dignum est, quando obtusam iam habent ex exercitatione aciem, non cote, non lapide alio, neq; puluere illas acuunt, sed tantum aqua impositæ temperantur. Sunt & apud hos instrumentorum, & elegantium rerum genera, quæ longum asser narrare, ac forte tuæ Beatitudini grauib; negotijs implicite tædiosum. Redeam⁹ ergo vnde sumus digressi ad Cozumellam iucatanā ac Colluacanā, sitæ Olloam ter ras dites, ac elysias recentè repertas, a quib; diueteram, reuertor. Vbi quāti sint momenti tractus illi cognitum est, Cubæ insulæ habitatores Hispani gubernatore Annunçte nouam classem instruūt carauellarum decem cum viris quingentis, addi tis (vtileuis armaturæ) equitibus tribus, bergantinis, quorum opera vtuntur ad va drosa littora, frequentiorumq; scopulorum discrimina tentanda. Equos nauibus im ponunt quiaq; mares, fœmellas sedecim bello aptas. Ferdinandum Cortesium, qui tunc erat prætor vrbani in Cuba, generalem eligunt classis prætorem. Subpræto res Alfonso Fernandum portucarerium, Franciscum Montegium, Alfonso auilam. Aluaradum commendatarium Spatensem: Io. Velazquez, dicū ordassum. Ventum sequuntur eundem ab angulo Cubæ vltimo ad occidentem. Quam pri mo Franciscus Fernandus Cordubensis, mox Io. Grisalua ad prospectum insulæ sa crificiorum, de qua mentionem fecimus, deueniunt. Insperatus acer turbo captare terram vetuit, versis vestigijs illos ad Cozumellam Iucatanæ orientalem fera tem pestas transportauit. Portū vnicū hæc insula, cui nomen sancti. Io: porta latine indi derūt. Sex oppidis tñ contenta est, & aqua puteali aut cisternali, et fluminib; caret, aut fontibus, quia plana quinq; tantum & quadraginta leucæ spacio ambitur. Au fugiunt incolæ ad syluas nemorales, oppida deserunt præ timore, vacuas domos in grediuntur nostri, patrijs fruuntur herbis, domorum ornatus variorum colorum, aulea vestesq; ac lodices q̄s amaccas appellāt ex gonlapio natiuo, reperiūt & lib. in numeros. De his vna cum cæteris ad nouum Cæsarem nostrum muneribus adue ctis infra late dicemus, perlustrant vniuersam nostri milites compositis tamen agmi nibus & ordinibus, ne qua vis ingrueret, paucos reperiunt accolæ. Vna fœmina co mite per interpretem Cubensem ad Iucatanos iuere alias a primis Hispanis abdu ctos. Fœminam hortantur, vt absentes accersat regulos, fœminæ familiares erant accolæ, cum ea ducti, a fœmina vocati per nuncios veniunt reguli, fidem amicitie p̄ stant, domos patrias alacres repetunt, multa ex raptis supellecilibus restituuntur. Idolatras & recutitos esse reperiunt, pueros, puellasq; Cemibus immolāt. Sunt Ce mes nocturnarum lemurum simulacra, quæ colunt: Interrogati a me Alaminus nau clerus, Franciscus Montegius, & Portucarerius nuncij, qui regi munera attulerāt, vnde immolandos haberent pueros puellasq; ab incolis collateralibus, inquirunt, ve num ducuntur, permutatione auri, aut aliarum mercium, nullibi enim feralis mone tæ dira sollicitudo in tam vasto terrarum spatio habitatores p̄mit. Idem aiunt de reli quis nuper repertis insulis, e quibus duas nominant Lestā & Sestā, vbi nudi de gunt, pueroꝝ inopiā canibus litant, canes nutriunt comedēdos, vt cuniculos alit gēs nostra: non sunt latrabiles, rostro vulpino quos ad esum destinant, pullos castrāt, ad sobolem procreandā fœminarū copiā mariū exiguū numēꝝ, vti de ouibus seruāt pa stores nostri, p̄guescūt castrati vsq; quadrimestre mix in modū. Ab his sacris nostri illos deterrent nephas esse ostendunt, legem petunt quā sequantur. Esse deū vnicū, qui coelū creauit ac terram, bonoꝝ oīm datorē sub triplici p̄sona vnitum in substātia, facile prosuadent. Cemes p̄fringi patiūtur. Beatæ virginis imaginē depictā a nris p̄bitam in sacro sui templi loco sistunt, templa ac eius pauimēta verrunt & abradūt. Crucem in ipsius dei atq; hois in salutem humani generis sup̄impositi recordationē adorant.

adorandam receperunt, in templi cacumine vnam ingentem ligneam locant, conueniunt omnes, deiparæ virginis cum tremore reuerenti figuram suppliciter in templo venerantur. Per interpretes hi accolæ nostris significarunt, esse in Lucatana vicina insula Christianos captiuos septem, qui ad eam tempestatibus raptati appulerunt. Quinq; tñ leucæ interuallo dirimitur ab Lucatana insula. Quinquaginta viros cum duobus carauellis prætor Cortesius ad id negotij destinar, perquisito res Cozumellanos tres secum aduehunt cum literis a prætore ad Christianos. Si q reperiantur quam egregium ficinus sint acturi, si aliquem duxerit, ostendit, rem ardentem commendat. Ab illis namq; sperat lucidiorem sole se tractuum illorum omnium noticiam habiturum. Abeunt bonis auibus, sex dies eis assignantur ad reditum, octo expectantur, demissos in terram Cozumellanos nuncios trucidatos, aut detentos suspicati sunt, illis relictis redeunt ad Cozumellam nostri, de discessu ex Cozumella iā cogitabat classis vniuersa, opposita illam vis maris detinuit. Ecce ab occidente canoam inspeçant venientem ab Lucatana. Christianum vnum e captiuis aduehunt. Septennio vitam is egerat apud Lucatanos, Hieronymum aguillarem nomine virum astigetani vandalum, quo gaudio se fuerint inuicem complexi, casus loquatur. Infelicem sortem suam, et sociorū vna amissorum enarrat, auditur attentis mentibus, nec dissonum fore arbitror, nec tuæ Beatitudini molestum, si rem, vt accidit, recensuero. In meis Decadibus mentio facta est de nobili quodā Aldiuiā misso a Darianensibus sinus Vrabæ, in putato continēti habitatoribus ad Hispaniolam Admiranti Colono proregi, et senatui regis, ad quos pertinet putari continentis remedium, significatum, quia rerum omnium pænuria vrgerentur. Sinistris auibus miser Aldiuiā prouinciam suscepit. In lamaizæ insulæ Hispaniolæ Cubæq; lateralibus meridie prospectu, repentinus vortex in arenosas Syrtes detulit. Ea voracia & cæca vada Hispani vocant Viperas: & quadranter viperas, quia ibi multæ naues implcantur, vti viperina cauda lacerti, & obruuntur. Discinditur carauella. Vix Aldiuiæ & socijs triginta licuit in carauellæ scapham descendere. Sine remis, sine velis raptantur a pelago defluenti. Diximus namq; in Decadib⁹, ibi esse maria perpetuo fluxu labentia in occidentem. Tredecim errarunt dies, inscī quotenderent, nil esui aptum repererunt vnquam. Septem ex eis consumpsit fames, fuerunt ipsi marinis piscibus esca. In Lucatanam transportantur superstites, iam inedia deficientes, in crudelis tyranni manus inciderunt: Valdiuiam prætorem, vna & socios quosdam trucidauit, mox immolauit, demū inuitatis amicis comedit. Hostes autem & appulsoshospites depascunt, de reliquo a carne humana abstinent. Hic Hieronymus aguillaris, & socij sex in tertium diem immolandi, seruabantur. Nocte ruptis vinculis, truculenti manus tyranni euaserūt. Ad regulum huic insensum supplices confugiūt, admittuntur, sed in seruitutem. Miserandum auditu est de huius Aguillaris genitricē, vbi rem intellexit, ilico insaniuit præ dolore, licet in nube tātum audierit, filium in potestatem carnes humanas edentium incidisse. Hæc, si quando carnes affatas inspeçtat, aut verubus affixas, clamoribus domum replet, inquiens: En matrem omnium miserrimam, en filiū mei frustra. Habita igitur epistola prætoris Aguillaris p Cozumellanos nuncios coram regulo Hero (qui Taxamarus dicitur) quid Cozumellani afferant de potentia regis eorum, enarrat, qui ad eas partes appulerunt, deq; virorum fortitudine, de illorum beneficentia in amicos, de sæuitia in detrectantes eorum postulata, ac respuētes multa edisserit. Trementem reddidit Taxamarum, dat operam, ne vt hostes suam ingrediantur ditionem, sed pacato veniāt animo, seruum rogat, pollicetur Aguillaris pacem, & si opus fuerit contra hostes auxilium & fauorem. Aguillarem dimittit, tresq; illi dat familiares, ita iunctim ex Cozumella trañciunt in Lucatanam. Inde ad Colluacanam, ad fluuium Alamino nauclero regente, alias sub Grifalua repertum tendunt. Fauces eius arenis erant conclusæ, vt de Nilo Aegypto legitur flantibus Ethesijs. Propterea non maioribus licuit nauib⁹ aduerso flumi

DE INSVLIS NVPER INVENTIS

so flumine procedere, quamvis sit alias huiusmodi nauibus aptum suscipiendis. In Bergantinos & nauium lintres ducentos viros in littus exponit prætor. Per Aguillarem pax offertur. Quid sibi velint percontantur accolæ: Dapes inquit Hieronymus Aguillaris. Spatium erat ingens arenosum ad latus oppidi, illuc tendant, insinuant accolæ. Eunt. Postero die afferunt gallinas octo earum more, quæ sunt pauonibus neque minores, neque insipidiore, suffusci coloris, & tantum Maſſch, quantum vix sufficeret decem famelicis. Est autem Maſſcium frumenti granum quo ipsi panem conficiunt, nostro panico non multum dissimile. Protestantur vna ut inde discendant, propere ingens armorum ad nostros discedere renuentes multitudo concurrat, iterum quid sibi velint per alienas terras vagantes interrogant, pacem se cupere, per Aguillarem respondent nostri, & rerum permutatione dapes, aurumque, si aurum possident: nolle se pacem aut bellum cum eis, respondent: abeant iterum, nisi malint usque ad vnum trucidari, nolle abire, nostri inquit, non habita ciborum copia, quæ alendis militibus presentibus sufficiat, castrinum adferenda cibaria signant: mentiti sunt, mane sequenti nostris, qui castra locarant in arena, et fuerant pernoctati, tantundem afferunt epularum, & sui reguli nomine iubent abire. Cupere se oppidum videre, & potiores dapes, nostri dicunt. Recusant illi, & terga vertunt submurmurantes, inedia nostri urgebantur victum querere coguntur. In terram mittit sub prætores prætor cum viris centum quinquaginta: Per diuersa tendunt ad oppidana rura, e turmis vnam obuſi barbari male tractabant, non longe aberant focſ, audito strepitu, laborantibus focſ opem ferunt. Alia ex parte prætor tormentain Bergantinos & scaphas locat, ad littus se applicat cum reliquis militibus, littus tutaturi, & prohibitori descensum, properanti cursu ad pugnam parati, occurrunt barbari, sagittis & iaculis minus nostros impetunt, feriunt imparatos, viginti circiter tormenta in hostes prætor exonerat, strage globorum & stridore, ac flammaram eruptione percussis, perturbantur palantes crurum tenus, in aquas se proſciunt, & nostri hostes insequuntur fugientes, vna cum perterritis oppidum ingrediuntur continuo cursu, barbari traſciunt, oppidum, & domos deferunt. Ad fluminis ripam protentum dicunt esse oppidum, quantum non ausim dicere, mille quingentorum passuum, ait Alaminus nauclerus, & domorum quinque ac viginti milium, stringunt alij, ingens tamen fatentur & celebre, hortis interfecantur domus, quæ sunt egregie lapidibus & calce fabrefectæ, maxima industria & architectorum arte. Ad quarum sedes habitabiles per decem & duodecim alicubi gradus ascenditur & spacijs interiectis secantur. Nemini quidem licet vicini murum trabibus onerare, sunt domus omnes trium domorum intercapedine separata, culmis tamen & paleis cooperta maiori ex parte, lapideis laminis pleræque. Quadraginta hominum milia barbari professi sunt eo die pugnae interfuisse, victos tamen a paucis ob nouum pugnandi genus cum tormentis, & quia prætor in terram equites sexdecim expoluerat, qui pugnae interfuerunt, a tergo barbaros adorti, turmas findebant celeri cursu, non aliter quam si greges ouium interficerent, perimendo, feriendo a dextris & a sinistris, miraculo percussis miseri hæsitabant, neque exercendi tela locus dabatur, idem animal arbitrabantur hominem equo annexum, ut inde centauris nata est fabula. Duos & xx. dies sunt potiti oppido, laute sub tecto nostri, sub dio barbari esurientes, neque sunt ausi nostros adoriri, munitiorem oppidi partem, veluti arcem nostri elegerunt, nocturnisque freti custodijs, suspecti semper eruptionem timentes, somno vacabant. Potanchanum dicitur ab accolis oppidum, ea victoria ibi adepta, Victoriæ nostri appellarunt. Mira etiam de atriorum ruralium ad delicias in predijs ædificatorum magnificentia, magnitudine, atque elegantia, cum solarijs impluvijs, & tabulatis egregijs more nostro, ut quatuor Hispani atrium quoddam rurale ingressi, per horas septem vagati fuerint, nec ob eius magnitudinem exitum reperire potuerunt. Per interpretes tandem, & captos in prælio Regulum & pri-

marios eius accersunt, ut inermes & supplices veniant, data opera parant dicto, domosque quisque repetit suas. Pacem illis præstant, lege proposita, ut ab horrentibus humanorum corporum ceremonijs, erga manes & perniciosos lemures, quorum simulacra venerantur abstineant. Nostroq; deo Christo, cæli terrarumque satore, ex virgine mundo præstito, & ad humani generis leuamen crucifixo, dirigant preces, mentes, oculosque. Utque regi nostro Hispano se subditos profiteantur. Pollicentur, verumque quantum breuitas temporis passa est, instruuntur, restitutos nostratibus muneribus contentos reddunt. Ex cælo missos arbitratur viros, qui adeo pauci numero, contra multitudinem ingentem, conferere manum ausi fuerint. Nostros & illi aureis quibusdam donis affecerunt, seruos etiam viginti. His ita relictis, alias eorundem littorum terras, quæsituri abeunt. Sinum repetunt sub Grisaluâ repertum ab Alamino, cui nomen dedere Bian sancti Iohannis. Bian vocat Hispanus sinum, pacatis animis veniunt accolæ. Ab littore oppidum erat distans miliare, domorum autem mille quingentarum, super tumulo erectum. Ad oppidi hospitia inuitant nostros, dimidiam oppidipartem offerunt, si perpetui velint secum esse habitatores. Putant vel Pothanchanensium exemplo perterritos, ad quos iam fama peruenerat, vel sub tali virorum vmbra sperasse in vicinos hostes fauorem & auxilium habituros, perpetuis nanque ac mutuis se bellis conficiunt. Imperij cupiditatem recusant æternam, annuunt temporaneam. Redeunt ad littus nostros sequitur populus, scenas illis & ramata magalia, summa cum diligentia erigunt, & tutissimis a pluuia tegumibus cooperiunt, castra ibi locant. Ne marcescant ocio, Prætor Alamino nauclero & Francisco Montegio negotium dat, ut illius terræ occidentem inuestigare intendant, fessos interim ipse recreaturus, & curaturus sauciatos. Ituris duobus homines quinquaginta assignauit. Ad hunc usque sinum leuis erat decursus aquarum, ubi paulo inferius adnauigarunt ad occidentem, ac si ex montibus altis a torrente raptarentur, ita impetus illos æquoris breui spatio, ad quinquaginta transportauit leucas. In aquarum concursum incidunt, a læua vastâ maris planities sese ostendit, quæ descenditibus ad occidentem vndis obuiabat.

Uti duo ingentia flumina quando conueniunt ex diuerso, ita videbantur a meridie venientes aquæ, tanquam hostibus in ius alienum pedem inferentibus primis possessoribus inuitis, vellesistere. Ex opposito terram a longe viderunt, & læua & dextera minime, fluctuabant inter eos conflictus vorticibus, agitabantur in diuersa, qui fere illos deglutierant. Sine spe vitæ diu hæsitauerunt, fluctuant proras aduerso torrente quæ venerant lætantes remis, velisq; innixi superare vix poterant impetum. Quando se processisse putarunt, ad minus leucas duas saltem, vna noctium quatuor se fuisse retractos inuenerunt. Vicerunt tandem illud graue certamen, deo fauente. Duas & viginti dies in eo paruo maris spatio consumpserunt. Ad socios tandem redeunt, rem aperiri, finem eum esse terræ colluacanae, putatique continentis adiudicarunt, terram a longe visam, & a fronte putant vel continenti nostro annexam, vel Septentrionalibus coniungi plagis, ad Baccalaos de quibus late in Decadibus. Restat adhuc pater sancte res hæc in dubio, detegatur aliquando. Dū Alaminus & Montegius hæc secreta vestigarent, a Regulo prouinciæ, qui Multhopunam dicitur, per vnum ex suis proceribus prædicto oppido imperantem, nomine Quintabitor, multis preciosis mirisque modis elaboratis muneribus, aureis argenteisque & lapillis ornatis nostri donantur. Statuunt ad nouum Cæsarem nostrum, de noua colonia deducenda mittere, gubernatore Diego Velazquez, alias Didaco, inconsulto, qui eos miserat cum mandatis, ut prouincijs pererratis, & redempto auro regrederentur. Consilium in eunt in diuersa tendunt, errorem fore proponit aliqui. Pars maior suffragatur non esse de gubernatore curandum, quandoquidem res ad maius tribunal, ad regem scilicet deduceretur, vicit populus, a benigno rege commeatum petunt, ad leucas mille duodecim, in gleba fortunatissima condendæ coloniae locum assignant. Generalem eligunt gubernatorem Prætorem ipsum Ferdinandum Cortesium, non desunt, qui putent, eo inuito. Is magistratus alios creat, ad condendæ vrbs regimen,

Portucarerium, & Montegium, de quibus satis alias, nuncios ad regem mittendos eligunt, eodem Alamino nauclero duce. Quatuor sponte sua primarij nostras visum terras veniunt, Regemq; adeo potentem, vt eius dominium tam in infinitum protendatur. Ducuntur & fœminæ duæ, quæ nostris more patrio pareant, & obsequantur. Suffusca gens est, auricularum torulos vterq; sexus perforat, gemmatosq; aureos perpendiculos ferunt. Sed viri quicquid spacij est inter inferioris labij marginem extremum, & dentium inferiorum radices, perturant, vti nos auro digitis gestandas gemmas circumligamus. In eo labiorum foramine ampliori, lamina subtili retinente interius prodeuntem, argenteum Carolenum, æquat eius morulis rotunditas crassitudo digitum. Fœdius me vidisse recordor nunquam, Putant illi nil esse elegantius sub orbe lunæ. Quo exemplo quam male ruat mens humana in sui ipsius cæcitatem, quamque fallamur omnes, edocemur. Existimat Aethiops nigrum colorem albo pulchriorem, & candidus aliter putat, detonsus capillato, barbatus imberbi se credit spectabiliorem. Appetitu ergo urgente, non ratione persuadente, tendit mens humana ad ineptias huiusmodi, regiturque suo sensu quæque provincia, vt inquit ille. Vana eligimus a certis, & commodis abhorremus. Vnde habeant aurum satis dictum. Sed vnde argentum nostri sunt admirati. Montes ostendunt altos, horum cacumina perpetuis canescunt niuib, & paucis anni temporibus verticem ostendunt, ob nubium aut nebularum densitatem. Plana ergo vel mitia montana aurum procreare videntur, asperi vero montes, & gelidæ eorum valles argentum. Aurichalcum etiam assequuntur. Secures bellicas namque, & fissorias, apud hos inueniunt, ferrum aut chalibem minime. Ad munera regi allata veniam, & a libris ordiamur. Diximus libros habere gentes has, libros attulerunt vna cum cæteris muneribus hi Colluacanæ nunc terræ procuratores, nuncij multis. Scriptibilia sunt eorum folia ex interiore arboris tenui cortice sub libro superiore. Rarum aiunt esse, vti videmus, non in salicio autylmeo, sed vti fas est in palmularum esui aptarum, tela dura folia exteriora interfecante, veluti retia foraminibus & maculis angustis contexta, bitumie tenaci retiacula illa compingunt. Ad aptatam tunc formam mollescunt conuertunt, & extendunt ad libitum, durefacta liniunt, gipso putandum est, aut aliqua gipso consanguinea materia. Tabellas vidisse Beatitudinem tuam credendum est, gipso in farinam cribrato superfultas, in quibus quicquid venit in mentem, scribi potest, dehinc spongia, vel pannulo deleri, vt denuo reiteretur. Ex fruticum tabellis etiam fabrefiunt libelli, quos magnarum domuum dispensatores per fora secum deferunt, stiloq; metallico merces emptas coaptant, liturandas quando iã in computatorios codices traduxerint. Non foliatim libros quaternant, sed in longum distendant ad plures cubitos. Materias in quadratas reducunt partes non solutas, sed tenaci bitumine flexibili adeo coniunctas, vt ligneis compacta tabellis arguti librarij videantur manus subisse, quacumq; pateat liber apertus, duæ sese offerunt scriptæ facies, duæ paginæ apparent, totidem sub illis latent, nisi protendantur in longum. Sub vno namq; folio multa coniuncta folia consistunt. Sunt characteres a nostris valde dissimiles, taxills, hâmis, laqueis, stellisq; ac formis alteriuscemodi lineatim exarati more nostro. Aegyptias fere formas æmulantur. Interlineatim hoim animaliumq; species, regum præcipue, ac procerum depingunt, quare credendum est, gesta ibi esse maiorum cuiusq; regis conscripta, quomodo nostra tempestate videmus sæpenumero chalcographos generalibus historijs fabulosis etiam codicibus, ipsius rei, quæ narratur, ad alliciendos emere cupientium animos, autorum figuras interferere. Arte quoq; grata superiores tabulas ligneas compingunt, nil differre a nostris libris clausi videntur. Legum & sacrificiorum, ac ceremoniarum ritus, astronomicas computationes, & annotationes quasdam, seminandi rationes, & tempora libris commendant. Annum ab occasu heliaco Vergiliarum incipiunt, & mensibus claudunt lunaribus. Menses autem a luna nominant, tunc cum menses signare

intendunt, lunas inquirunt. Lunam eorum lingua tona dicunt. Dies autem a sole, unde quot soles, tot dies. Eorum idiomate sol tonaticum dicitur. Alibi tamē aliter. Sed nulla ratione moti, annum distribuunt in menses viginti, menses autē diebus octo & viginti concludunt. Templā ingentia quæ frequentant, aureis ornant aulæis & supellectilibus, gemmis admixtis, quolibet die illucescēte thurificāt templā, pialque spargunt preces ante rerum initia. Horrendum facinus in sacrificiis, & istorum tractuum habitatores omnes pro victimis pueros puellasque immolant, eo modo quo supra dictum est. Quo tempore semina iacit in terram, & cum iam spicantur segetes, populus seruos precio emptos laute depastos, & ornatos preciosis vestib. suis cemibus destinant immolandos, per dies viginti sacrificandos circumducunt, transeuntes per vicos oppidani suppliciter salutant, veluti propediem inter celites annumerandos. Acri alia pietate cemes venerantur, suum ipsorum sanguinem offerunt e lingua, hic e labijs, ille ex auribus, aliqui a pectore, vel scemere, aut cruribus, multi acuta nouacula vulnerati emungunt sanguinem, quem manu receptum, rotatim proiectum cælum versus, per templi pauimenta conspergunt: ita placatos reddi deos arbitrātur. A villa Ricca .i. noua colonia, distant miliaria nouem, domorum gnedecim milium, vetere incolarum nomine Cempoal, nouo Sibilla, regulum reperiunt clausos habentem immolandos seruos quinque. Abductos regulus repetiuit, inquiens, perniciem mihi vniuersoq; regno huic astruitis meo. Si seruos immolandos mihi aufertis, irati nostri cemes, fata omnia semenque a gurgulionibus corrodi, vel torrentibus imbribus obrui, cessantibus sacrificiis pmittent. Ne desperati desciscerent Cempoalani, minus malum elegerunt, in p̄sentia rati non esse tempus eis inuitis prohibere, quin veteres ritus exerceant. Seruos restituerunt. Licet illis sacerdotes gloriam æternam & ppetuas delitias polliceantur, deorūq; familiaritatem, post huius seculi procellosos dies: mœsti tamen hæc promissa auscultabant, maluisentq; liberari. Sacerdotes quines appellantur, singulari numero quin. Cœlibes viuunt & incorrupti, cum timore reuerenti sacerdotes venerantur. Hostium etiā in bello captoꝝ ossa, carnibus exesis in fasciculos ligata ad centum pedes suspendunt, veluti victoriæ trophæa, victoꝝ titulis suppositis. Notandū aliud San. tuꝝ gratum. Referunt pueros iam anniculos, puellasq; cum pijs cæremonijs, sacerdotes in templis aqua in crucem cum vrceolo capiti supiniecta baptizare videntur. Verba non percipiunt, actus & murmura licet animaduerrere. Neq; illi, vti Mahumetici aut ludæi, putant eoꝝ templā violari, si alienæ legis quisquam eoꝝ sacris intererit. De libris, templis, ac de sacroꝝ rebus satis dictum putamus. Ad alia regi allata munera deueniamus. Duas attulerunt molas vti trusatiles, vnā aureā, argenteam alteram, solidas, tenues, cum circumferentia pari spithamæ octo & viginti ponderis castellanorū est aurea, trium milium octingentorū argentea. Dixim⁹ castellanum esse monetam auream, quæ ducatum triente superat. Ei⁹ centrum occupat, veluti regis in throno sedentis cubitalis imago dimidia, tenuis genu vestita, Cemi similis, eo vultu q̄ nocturnos lemures pictores nostri pingere sunt soliti. Cāpus varijs floribus & frondibus effigiatus. Eadem est argenteæ facies, fere idem pondus, vtrūq; metallum purum. Aurea etiam grana rudia non conflata in argumētū auri natiui, vti lentes, aut ciceres attulerunt. Torques quoq; aureos, quorū alter catenulis constat octo, quibus inserti sunt lapilli rubri (non pyropi tamen) duo & triginta supra centum, virides autem tres & octingenti supra centum (non smaragdi tamen) eiusdem sunt extimationis illi, cuius hi apud nostros nobiles. Ab eius torquis simbria tintinnabula aurea pendent septem & viginti figuris, quatuor gemmis auro circumligatis intersecla, dependēt a singulis aurei ppēdiculi, torq; alter quatuor e catenulæ aureæ p̄ gyꝝ rubris ornataꝝ lapillis centum duobus, viridibus aut centū septuaginta duob. sex & viginti aureorū tintinnabuloꝝ eleganter comptoꝝ. In ipi⁹ torq; medio decem sunt insertæ magnæ gemmæ auro circumligatæ. A quibus centū ppēdiculi suspensi aurei egregie

INSVLIS NVPER INVENTIS

egregie laborati. Coriaceos cothurnos diuersorū colorū afferūt forte duodecim, hos auro, argēto illos, gemmis alios fultos, coloribus tum glaucis tum viridibus, a singulis tintinnabula pendent aurea. Tiaras, mitras varijs gemmis insutis, glaucis sapphyros æmulatibus refertas portant. De cristis, comis, & flabellis plumeis quid referte queam, non sentio. Si quid vnquam modo honoris humana ingenia in huiusmodi artibus sunt adepta, principatum iure merito isti consequuntur. Aurum, gemmasque non admiror quidem: qua industria, quoue studio superet opus materiam stupeo, mille figuras & facies mille prospexi, quas scribere nequeo. Quid oculos humanos sua pulchritudine æque possit allicere (meo iudicio) vidi nunquam. Ignotæ nobis volucrum sunt pennæ lucidissimæ, vti pauonum aut phasianorum caudas illas admirarentur, ita & nos illorum pennas, quibus & flabella & cristas conficiunt, & elegantia ornant cuncta. Glaucos, virides, flauos, rubros, cādidos, & suffuscos colores peninis inesse natiuos inspeximus, auro cuncta illa instrumenta confingunt. Galeas attulere duas gemmis glaucis coopatas, vnā tintinnabulis aureis fimbriatā, & aureis pluribus laminis, duobus aureis calculis tintinnabula sustinentibus: altera gemmis eisdē, sed quæque ac viginti est fimbriata tintinnabulis aureis, cristata viridi volucre conuocupante, cuius pedes & rostræ atque oculi aurei. Singula vero tintinnabula singuli sustinent aurei calculi, fuscinas quatuor tridentes pennatas varijs coloribus intextas, quarū dentes sunt gemmati filis aureis colligati, eodem ordine sceptæ ingens gemmatum cum duobus aureis tintinnabulis. Aureū etiam brachiale, calceos ex corio ceruino aureo filo confutos, solea candida supiniecta, ex lucido lapillo semiglaucos vnā & candido, circumseptum sed auro speculū, sphingem forte lapidem diaphonium. Attulerūt auro circumligatum magni lacerti caput, & cochleas ingentes duas, anates aureas duas, & variarū volucarū species aureas, quatuor & pisces cephalos aureos, & ex aurichalco virgam, penis miris modis insuta oia. Portaerūt bellicas peltas & ancylia. Scuta. xxiiij. aurea, & argentea quinque, mitram plumis varijs contextā, in eius fronte media lamina insculpta est aurea effigurata ceme idolo. Figuram quatuor aliarū sepiūt in modū crucis aureæ laminæ: variorū animalium, leonū puta, tigriū & luporū capita, virgis & tabellis formata animalia, ipsorū corijs supinsutis aurichalceis tintinnabulis ornata, & diuersorū animalium corijs integra, & egregie confecta, Lodices varias gonfapias cādido, nigro & flauo coloribus intextas, duas auro & gemmis dices, tresque alias penis & gonfapio intextas scacorū ludo, quod argumentū est & scacorū fritillos hñe eos in vsu. Aliā, a fronte nigro, candido, rubroque coloribus intrinsecus rasam sine varietate. Aliā eodē modo intextam, aliorum coloribus, rota nigra medium tenente, radiata peninis lucentibus intermixtis, candidas & alias lodices duas, peristromata, aulæa, sagulum, ea singuli patrio more viri gestant, & textas interiores, & capitis velamīa variatenuissima, & pleraque alia pulchra visu magis quā preciosa, quæ arbitror iam tuæ sanctitati tædiosa potius fore, quam delectabilia narratu. Prætermitto & innumeras nauigantium particulas, de laboribus, egestate, periculis passis aduersis multis, quæ in suis annotationibus quisque edisserit, in nostroque regio rerum Indicarum senatu leguntur. Ex varijs & multis eorum indicibus, & priuatis literis, hæc pauca collegi. Munerum tamen latrores, & Ferdinandus Cortesius, classis eius præfectus, & condendæ colonie nouæ in extremis terris auctor, a regio Indico senatu contra rectum iustumque fecisse iudicantur, quod inconsulto Cubæ gubernatore, qui eos autoritate regia miserat, prouinciam sumpserint, ab eius mandato alienam, quodque venerint (licet ad regem) se insalutato. Per procuratorem eos fugitiuos latrones, & læsæ maiestatis reos Cubæ gubernator appellat. Illi autem se maius multo præstitisse regi obsequiū, venisseque ad maius tribunal, arguunt. Petit capite puniātur, gubernator. Perunt magistratū isti, & subprætores, tot laborum, & periculorum præmia. Et præmium, & multa differtur. Vt pars vtraque audiat, statutum est, & sancitum. Iam ad Darienenses sinus Vrabæ, in putato continenti habitatores veniamus.

DE INSVLIS NVPER INVENTIS


Darienem diximus esse fluuium in occidentale Vrabæ sinus cadentem latus. In huius ripa Hispani coloniam regulo Cemato armorum vi pulso, posuere. Coloniz nomen ex voto pugne tempore promisso dixere. Sancta Maria antiqua. Ad hos in calce Decadū diximus fuisse missos eo anno quo scribere desimus, duce Aria Abulensi, viros mille ducentos, id petente Vasco Mugnoe Balboa, qui primº australe pelagus, latens hactenus, detexerat, & Darienensibus præerat. Appulso ad Darienem Petro Aria gubernatore cum ampla regia potestate, destinatos per diuersa, cum varijs peditum turmis, diuersos centuriones. Breuibz absoluam, quia horrida omnia, suauia nulla, ex quo nostræ Decades desierunt, nil aliud actum est, nisi perimere, & perimi, trucidare ac trucidari. Ad voluntatem creauerat rex Vascum, ne quiuit diu ferre Petri Ariæ imperium, discederunt animis, confuderunt omnia, intercessit tempus. Io. Caiçedus Franciscanæ religionis pulpitarus Vasco promissit in vxorem dare filiam Petri Ariæ. Ars inter rerum compositores, qua conueniant, nulla reperitur, dissident multo magis. Et res ad talem casum deducta est, vt naçtº occasionem in Vascum Petrus Aria processu per Prætores vrbanos formato, iugulari Vascum mandauerit, & vna primarios quinq; alios, inquiens Vascum sociosq; defectioni studuisse in mari australi, vbi classiculam nauigiorum quatuor Vascus ipse construxerat, australia putati continentis littora vestigaturus. Dixisse Vascum commilitonibus trecentis, quos secum habebat: En quid viri tot laborum & periculorum meorum participes, alieno subiecti semper imperio erimus? Quis ferre posset iam huius gubernatoris insolentiam? Littora hæc sequamur; quo sors dederit. Et inter tot Elysiæ prouincias tam vastæ telluris, vnā eligamus, in qua nobis ipis, quod vitæ superest, liberi iam tandem viuere possimus. Quis hominum nos reperire quibit? aut repertis vim inferre? Res ad gubernatorem delata, Vascum ab Austro accersit Petrus Aria, paret dicto Vascus. In catenas coniçitur, negat Vascus tale consilium cogitasse, testes quærentur malefactorum quæ patrauerat ab initio, dicta colliguntur, morte dignus censetur, perimitur. Ita laboribus & periculis, q̃ subiuit, innumeris miser Vascus quando maiores se titulos adepturum sperabat, finem imposuit. Classiculam Petrus Aria ipsemet, vxore in Dariene relicta conscendit, perscrutaturus littoras. Nondū an redierit intelligimus, neq; ipsi deest fortuna. Iam alius designatus gubernator dictus Lupus Hoca, ex fortunatis insulis, vbi diu extitit prorex, reuocatus ad Darienem. Quid stomachi sibi habiturus, si redierit Petrus Aria, boni iudicent, nihil vnquam gloria dignum sub eo actum est. Nimium remissum ab initio fuisse agunt hinc, illinc autem nimis indulgentem, & parum seuerum in corrigendis erroribus. De hoc satis. Postergata quædam reperamus de flumine ingenti Dabaida profundissimo, Dicto a nostris Grandi, qui labitur in vltimum Vrabæ sinus angulum, per portas, vti Nilus in Aegyptium mare, septē. Late de hoc in Decadibus, q̃ eius montana sint auro ditissima, ex accolarum relatu diximus. Dabaidæ arcana scrutaturi Vascus & prætores alii, compositis agminibz aduerso flumine cum nauibus diuersarum specierum, quater conscenderunt, quadraginta leucas primo; mox quinquaginta, demum octuaginta ex transuerso alias. O ingens facinus. Gens nuda vestitam, inermis armatam profligauit semper, trucidauit ad vnum aliquando; vulneribus confecit omnes, sagittis bella gerunt venenatis, & qua visu hostium carnes assequuntur detectas, ictum figunt certissimum. Habent & iacula quæ pugne tempore tam crebra iaculentur eminus, vt more nubis solem hostibus eripiant; habent & ligneos durefactos enses latosque, quibus cominus certant ferociter, si ad manus deueniatur. Et Vascum ipsum multis vulneribus confecerunt aliquando. Ita flumen Debaida propulsantium accolarum rabie inexploratum relinqtur. Restat, vt de Hispaniola reliquarum insularum genitrice ac ceu primaria earum, de quibus narrare institimus, pauca dicamus. Refarcitus est in ea senatus, quinq; sunt additi iudices, qui vniuersis illis tractibus leges præbeant. Sed propediem in ea colligere au

INSVLIS NVPER INVENTIS

gere aurum, licet sit auro prægnans, desinent, quia fossores deerunt, ad exiguum mi-
seri accolæ redacti sunt numerum, quorum opera auro legendo vsi sunt. Absumpti
sunt ab intio bellis acribus, fame multo plures, quo anno radicem, qua panem nobili-
um conficiebant, eruerunt, & a maijcio grano seminando pane populari abstinue-
runt, reliquos varij morbi, ignoti hæcenus, anno millesimo quingetesimo decimo o-
ctauo, qui tanquam morbosas pecudes contagioso halitu eos inuaserant, & vna, ne
mentiamur, auri cupiditas, in quo effodiendo, cribrando ac legendo miseros post ia-
cta semina, ociosis ludis ac tripudijs, & piscationi, aut parui cuniculi uenationi assue-
tos inhumane nimis exagitarunt. Iam per regium vniuersum senatum sancitum,
est vt liberi reducantur in populos & agriculturæ generationique indulgeant. Ser-
ui autem & aliunde empti, ad id aurifodinarum opificium trahantur. De auri morti-
fera fame satis dictum. Auditum est mirandum, quantum in hac insula coalescant om-
nia. Octo & viginti in ea sunt torcularia erecta, quibus magna saccari copia extor-
quetur. Saccareas aiunt cannas altiores crassioresque in hac insula creari quam ali-
bi vsquam reperiantur, ad crassitudinem lacertalem aiunt, & virilis staturæ ac semis
altitudinem nutriri, & quod maius, Valentia Hispanæ, vbi ingens saccari copia
quotannis elicitur, vbicunque saccareis cannis inuigilatur, quinque vel sex, aut quan-
do copiosius, septem phialas cannas quæque radix pturit: in Hispaniola viginti aut
triginta interdum. Quadrupedum est in ea copia immensa. Auri rabida sitis a cul-
tura Hispanos hæcenus diuertit. Triticum augetur in immensum, vt centesimum
aliquando reddidisse dicatur, vbi cura sit, in collibus aut montanis iugis, ad Boream
præcipue versis, tritico serendo intendere. Coalescunt & vites in eisdem partibus.
De arboribus vero cassiam fistulam gignentibus, ex insulis putato continenti vicinis
asportatis (de quibus mentionem fecimus in Decadum libellis) quid dicemus? Tan-
ta est iam copia, vt post paucos annos libram simus vnciæ loco a pharmacopolis ha-
bituri. De syluis coccineis, deq; reliquis huius beatæ insulæ prærogatiuis, & natu-
ræ in illam porrecta beneficentia, satis multa in decadibus. Placuit tamen pleraque
repetere, quia a grandium negotiorum mole arbitror ad huiusmodi re-
rum recordationem multorum lectorum ingenia diuertisse, nec la-
bia detorquent, quæ sunt sapida, modo materia preciosa
preciosis vestibus induatur.

¶ R. Petri Martyris de insulis nuper inuentis
FINIS








¶ Colonia, Impensis honesti ciuis Ar-
noldi Birkman. Anno Domini
M. D. XXXII. Mense
Septembri.

11/12



2532
- C8284



HT